



**VENDIM**

**Nr. 151, Datë 30.09.2016**

**MBI**

**KËRKESËN E KESH SH.A. PËR RISHIKIM E VENDIMIT NR. 139  
DATE, 15.08.2016 TË BORDIT TË ERE.**

Në mbështetje të nenit 16 të Ligjit nr. 43/2015 “Për Sektorin e Energjisë Elektrike, dhe nenit 16 të Rregullores për organizimin, funksionimin dhe procedurat e ERE-s, miratuar me vendimin nr. 96, datë 17.06.2016, në mbledhjen e tij të datës 30.09.2016, Bordi i ERE-s mbasi shqyrtoi relacionin e përgatitur nga Drejtorite Teknike, në lidhje me kërkesën e shoqërisë KESH sh.a për rishikim e vendimit nr. 139, date 15.08.2016 të Bordit të ERE, “Për miratimin e Rregullat e përkohshme të tregut shqiptar të energjisë elektrike“,

**Konstatoi se:**

- Shoqëria KESH sh.a. ka marrë dijeni për vendimin e ERE nr. 139, date 15.08.2016 të Bordit të ERE, “Për miratimin e Rregullat e përkohshme të tregut shqiptar të energjisë elektrike“ nëpërmjet shkresës nr 633 prot datë 25.08.2016.
- Shoqëria KESH sh.a. me shkresën e saj nr. 7416/1, Prot datë 05.09.2016 ka përcjellë në ERE kërkesën për rishikimin e vendimit nr. 139, date 15.08.2016 të Bordit të ERE, “Mbi miratimin e rregullave të përkohëshme të tregut shqiptar të energjisë elektrike”
- Pika 5 e nenit 16 të ligjit nr. 43/2015 “Për sektorin e energjisë elektrike” si dhe Neni 16 i “Rregullores për organizimin, funksionimin dhe procedurat e ERE-s, miratuar me vendimin nr. 96, datë 17.06.2016”, parashikon se: *Çdo palë e përfshirë në një procedurë mund t'i kërkojë ERE-s, brenda 7 ditëve kalendarike nga data e marrjes së vendimit lidhur me atë procedurë, rishikimin e vendimit të bordit në rast se ka siguruar prova të reja që mund ta çojnë bordin në marrjen e një vendimi të ndryshëm nga i mëparshmi apo për gabimet materiale të konstatuara.*
- Kërkesa e KESH sh.a.për rishikimin e vendimit të Bordit të ERE nr. 139 datë 15.08.2016, është depozituar jashtë afatit të parashikuar më sipër

- Me kërkesës e KESH sh.a.për rishikimin e vendimit të Bordit të ERE nr. 139 datë 15.08.2016, Bordi i ERE konstatoi se “Rregullat e Tregut” miratuar me vendimin nr nr. 139, date 15.08.2016, kanë nevojë për plotësime e saktësime.
- Mbështetur në nenin 26 të “Rregullores së organizimit, funksionimit dhe procedurave të ERE” , Bordi i ERE me iniciativë të vet mund të nisë procedurat për hartimin apo rishikimin e një akti nënligjor që ka të bëjë me ushtrimin nga ana e ERE-s të autoritetit në drejtim të miratimit të akteve nënligjore.

Për gjithë sa më sipër cituar, Bordi i ERE-s,

### Vendosi:

1. Të mos marrë në shqyrtim kërkesën e KESH sh.a. për rishikimin e vendimit të Bordit të ERE nr. 139 datë 15.08.2016 mbështetur në Pikën 5 të nenit 16 të ligjit 43/2015 “Për sektorin e energjisë elektrike” si dhe Neni 16 i “Rregullores për organizimin, funksionimin dhe procedurat e ERE-s, miratuar me vendimin nr. 96, datë 17.06.2016.
2. Të fillojë procedurat për rishikimin e “Rregullat e përkohshme të tregut shqiptar të energjisë elektrike“ miratuar me vendimin nr 139 datë 15.08.2016 për disa ndryshime si me poshte :
  - Kapitulli II, në piken II.2.2, paragrafi “viii” ; - OST në funksionin e operatorit të rrjetit të transmetimit do të ketë të drejtën për prokurimin e energjisë elektrike për mbulimin e humbjeve të transmetimit *nga tregtaret*”.- të hiqet “nga tregtaret”.
  - Në kapitullin V “Kontratat dhe *tarifat* mes pjesëmarrësve të ndryshëm të tregut *te parregulluar* janë:”- të hiqet fjala “Tarifa”, të shtohet “Te parregulluar”
  - Kapitullin V, paragrafin “vi” “Rregullat për kontratat dypaleshe”, në piken V.1 - vi) kontratat për prokurimin e energjisë elektrike për mbulimin e humbjeve *dhe shërbimeve ndihmese* në rrjetin e transmetimit dhe shpërndarjes.”- të shtohet “dhe shërbimeve ndihmese”.
  - Në Kapitullin III te pikes III.2, paragrafi iv, - një kopje të bilancit të fundit vjetor të certifikuar nga organet e tatimtaksave- të bëhet “një kopje të bilancit të fundit vjetor të certifikuar *dhe depozituar në organet e tatimtaksave*”.- të shtohet
  - Në kapitullin VIII.2.2 - ERE-ja do të miratojë çmimet e rregulluara për njësitë e gjenerimit të ngarkuara me detyrimin e shërbimit publik - të shtohet

*“deri ne krijimin e tregut te balancimit ose kur parashikohet ndryshe nga aketet e tjera te ERE”.*

- Në kapitullin VIII.3, Paragrafi ii – nga “tarifat e mundshme të importit dhe eksportit ose energjisë gjatë dimrit në avancë” – të bëhet “Çmimet e mundshme te energjise ne treg gjatë dimrit në avancë”.
3. Drejtoria Juridike dhe e Mbrojtjes së Konsumatorit të njoftojë OST sh.a., KESH sh.a, Ministrinë e Industrisë dhe Energjisë, Autoritetin e Konkurrencës dhe palët e interesuara për vendimin e Bordit të ERE-s.

Ky vendim hyn në fuqi menjëherë.

Ky vendim botohet në Fletoren Zyrtare.

**KRYETARI I ERE**

**Petrit AHMETI**